



Early Journal Content on JSTOR, Free to Anyone in the World

This article is one of nearly 500,000 scholarly works digitized and made freely available to everyone in the world by JSTOR.

Known as the Early Journal Content, this set of works include research articles, news, letters, and other writings published in more than 200 of the oldest leading academic journals. The works date from the mid-seventeenth to the early twentieth centuries.

We encourage people to read and share the Early Journal Content openly and to tell others that this resource exists. People may post this content online or redistribute in any way for non-commercial purposes.

Read more about Early Journal Content at <http://about.jstor.org/participate-jstor/individuals/early-journal-content>.

JSTOR is a digital library of academic journals, books, and primary source objects. JSTOR helps people discover, use, and build upon a wide range of content through a powerful research and teaching platform, and preserves this content for future generations. JSTOR is part of ITHAKA, a not-for-profit organization that also includes Ithaka S+R and Portico. For more information about JSTOR, please contact support@jstor.org.

IV. *Mulieris ejusdem Historia, ex Epistola Medici
Doctissimi, Gulielmi Oliver, ad Richardum
Mead, M. D. R. S. & Coll. Med. Lond. Soc.*

Vir celeberrime,

TIBI omnium animalium naturas & formationes optimè callenti, acerrimo judicio quotidie perscrutanti, historiam inusitatæ, ac plane mirandæ cujusdam structuræ partium ingratam non fore, nullus dubito.

Mulierem, Comitatus *Cornubiæ* incolam, in hunc modum, quem jam sum descripturus, a cunabulis formatam fuisse, matronæ vicinæ, & non paucis res & nota & examinata fuit, uno ore consentiunt. Substantia quædam carnosæ, spongiosæ, floride rubescens, levissimum tactum, ob atrocissimum dolorem inde oriundum, fugiens umbilici, *v. Fig. 10.* quæ non ex Autopsia sed ex Chirurgi narratione delineata est, naturalem locum usurpabat, & e cavitare, quæ plerumque ibi est, quasi pullulabat. Ex hac excrescentia, quæ nec augeri, nec minui, per multos annos sentiebatur, continuo destillabat urina, cui nec alia patuit e corpore via, neque hac potuit vel violentissimis nixibus cum impetu expelli, vel per saltum excerni, adeo ut paulatim exsudans vestes interdum, substragulaque nocte madefaceret, inquinaret. Paulo, infra, ad distantiam pæne palmi minoris, orificium quoddam, longitudine unciam unam, latitudine digitum transversum æquans, sese

fefe ostendebat, ut indicem admitteret, & tamen perstringeret, satis amplum. Hac via effluebant a pubertate menstrua, unde ad Vaginam & Uterum hunc esse aditum facile patebat. Ad eandem fere distantiam, qua orificium hoc Vaginæ ab excrescentia illa distabat, patuit & orificium alterum, superiore minus, digitum minimum vix capiens. Huic autem orificio cum intestino rectocom municationem dari, tenuissimæ fæcum partes, ex eo frequenter protrusæ, satis demonstrabant. Ab hoc autem Pseudo-Ano Anus verus, per quem excrementa duriora dejiciuntur, uncii quinque vel sex extitit, & naturalem fere pudendorum situm obtinuit. Pili quidem aderant, sed rari, nec margines alicujus orificii magis quam reliquorum ornantes, sed duas lineas describentes, quæ a medio spatio inter excrescentiam illam & commissuras femorum cum abdomine incipiebant, & sibi mutuo appropinquantes angulum, in cujus vertice positus est verus Anus, conficiebant. Hunc in modum conformata, valetudine satis bona fruebatur virgo, & æterna virginitate ex necessitate laboraturam concluderant omnes, quibus res innoverat. Advenit tandem Nauta quidam, cui æs triplex circa pectus erat : Illam vidit, amavit, duxit, & non multo post imprægnavit. Gestationis tempore optime se habuit mulier, quo propemodum finito, de difficultate pariendi, non sine ratione, aderat gravis suspicio. Orificium Vaginæ a viri congressu non omnino dilatabatur, adeo ut de modo imprægnationis multæ inter mulierculas ortæ sint disputationes ; & asseruere aliquæ non sine dedignatione & horrore, maritum aut viri nomine non esse dignum, aut per aliam introivisse viam, quod bonus Deus vetet ! Immissionem autem Penis in Vaginam ad imprægnationem non esse absolute necessariam, non est quod tibi, Vir clarissime, cui hæc

hæc omnia optime nota, narrarem. Exemplis turgent libri Medici. Mulier tamen de sua vita anxia Chirugos aliquos adivit, consilium petiit, opem precatâ est. Unus tandem apud *Foy*, oppidum non procul a mulieris nostræ habitaculo, casu audito, re perscrutata, ad promovendum partum, si opus fuerit, operam suam navare promisit. Gestationis tempore perfecte finito, dolores aliaque symptomate partum prognosticantia illam tentaverunt. Chirurgus advocatus aderat. Refert ille infantem conatus suos ad regionem pubis, illa ipsa autem ad orificium Vaginæ fecisse dicit. Quid est agendum? Dixit ille incisione exitum infanti esse aperiendum; ex crudeli misericordia renuunt adstantes, ingravescent dolores, superveniunt convulsiones, vita desperabatur. Tandem cum mortem præ foribus esse omnes judicaverunt, illam pæne expirantem in manus & potestatem Chirurgi tradiderunt. Ille statim dissectionem istius Isthmi, qui inter orificium Vaginæ & Pseudo-Anum erat, & haud improprie Perinæum possit vocari, instituit. Integumentis exterioribus dissectis, membrana quædam valida & crassa, transverse locata, sese in conspectum dedit, quæ Vaginam a canaliculo illo inferiore dividebat. Hac dissecta iter ad Uterum satis amplum patuit, manum introduxit, os Uteri digitis dilatavit, infantem capite prehenso in lucem tuto eduxit, matrem ad vitam revocavit. Hanc mihi ipse historiam retulit, illa ipsa confirmavit. Rei enim novitare percussus *Foy* adivi, utrum verum esset necne sciendi gratia. Chirurgum de structura partium originali, & operatione sua tantum non Cæsarea, solícite interrogavi. Omnia, ut supra narravi, graphice descripsit. Fœminam autem ipsam videndi maxima mihi fuit cupido. Amicum quendam meum, honore semper colendum, ut sub prætextu alicujus negotii mulierem ad domum

T t t

suam

suam accerferet, rogavi. Accersita venit. Desiderium meum aperui. Illa ab ullo examine, tanquam re omnibus modestiæ & virtutis regulis contraria, religiose abhorrebat. Me Medicum professus, rem tam ab omni immodestia alienam esse probavi, quod cum in usum publicum cederet, casum suum communicare ejus esse officium demonstravi. Hac ratiocinandi methodo, & argumenti alterius aurei ope, votum obtinui. Muliere igitur ad examen commode locata, excrescentiam illam umbilici cavitatem usurpantem superiori descriptioni ad amissum respondentem inveni. Illam cum summo digiti levissime tetigerim, misella, non aliter ac si gladio perfocta fuisset, discruciatæ ejulavit. Mirum sane mihi videtur hanc mulierem cum marito suo posse congregi; ex situ enim partium nihil aliud cogitare possis, quin vir rei Veneræ incumbens, excrescentiam illam, aliter prorsus intactilem, abdomine suo duriter perfriicaret. Rogata quomodo hæc perficiebantur, respondit se omnia ob amorem, quo maritum suum prosequabatur, posse pati. Sic amor omnia vincit. Sed ad Rem.

Hæc excrescentia ex multis lobulis, propriis membranis obductis, a se mutuo distinctis, conflari videtur. In interstitiis horum lobulorum poruli, per quos stillabat urina, oscula sua ad superficiem aperiebant. Paulo infra hiatus magnus, ex unione chirurgica duorum orificiorum ad partum facilitandum confectus, sese ostendebat. Procidentia Uteri tunc temporis laborabat, qui extra labia, si circumferentia illa mereatur nomen, propendens, longitudinem sex unciarum, magnitudinem ovi anserini æquabat. Tali procidentia se semper a partu usque laborasse narravit, & quidem mirum esset si aliter accidisset; tanta est enim ad orificium Vaginæ apertura, ut nihil possit ab
extra

extra Uteri prolapsui obstare, & Uteri corpus multo magis, quam in statu vulgari, a vesica premitur. Verisimile enim est urinam ad excrescentiam illam per urachum ascendere, & per illum ab initio fluxisse, quia per meatum urinarium nullum natura præbuit exitum; impossibile tamen est, ut urina per urachum ad umbilicum ascenderet, usque dum vesica sit turgide repleta; ex illa vero plenitudine necesse est, ut semper in Uterum non parvo pondere gravaretur, & illum foras extruderet. Ut conformatio partium melius appareret, reclinata in lectum Muliere, repositionem Uteri tentavi. Non citius illum introducere cæpi, quin urina a pressione in vesicam repletam facta, per poros excrescentiæ umbilicalis, multis rivulis, pilum crassiozem magnitudine non superantibus, cum impetu ad plures pedes profiliebat, fontem artificialem non injucunde æmulans. Exinanita vesica, Vaginam inversam in naturalem situm facile restitui; restitutis Vagina, & Utero dehiscebat chasina magnum, ex positione corporis circulare, cujus diametrum tres pollices tranversos metiri credo, cujus fimbriæ, potius quam labia, multis sarcomatis inæqualiter horrebant. In superiore ejus margine interno meatum urinarium frustra quæsi, in inferiore Pseudo-Anum facile inveni, per quem digitum sub pubem, quæ ad cartilagineam mollitiem accedere videtur, ad intestinum rectum immisi, necnon contentis ejus turpiter infectum eduxi, unde credo rectum, ad tres pollices supra sphincterem Ani, esse perforatum. Paulo subtus pubem, situm, quo aliarum sinus ipse pudoris gaudet, verus Anus hujus sceminæ obtinet, non consueta caligine & profunditate occultus, utpote non intra clunes positus.

*Figurarum 10 & 11 Explicatio.**Fig. 10.*

- a* Excrefcentia umbilicalis.
- b* Orificium Vaginæ.
- c* Pseudo-Anus.
- d* Anus.
- e e* Pili.

Fig. 11.

- a* Excrefcentia umbilicalis.
- b* Os Uteri.
- c* Anus.

G. Oliver.

V. *Fluxus sanguinis per Penem mirabilis. Ex Epistola Viri Doctissimi Domini Howman, M. D. ad Dominum Hans Sloane, Baronettum. Coll. Med. Lond. Præf. R. S. Vice Præf.*

QUADRAGENARIUS quidam civis *Norvicensis* pancraticæ valens, profluvio sanguinis sinceri per canalem urethræ correptus est, 30 die Junii, 1716. Idem rediit phænomenon, 31 Julii. Adhibitis quibusdam medicamentis, & celebrata venæsectione in Brachio, cohibitus est fluxus sanguinis prædictus, usque ad octavum diem Septembris, ac deinceps penitus evanuit. Notatu tamen est dignum hæmorrhagias supra memoratas absque omni prævio dolore, seu postea spirituum dejectione contigisse.

VI. *An*